

2029

P O L E M I C I

2030

bus in aere uiuentibus. Singulare hic *Intelligentiarum* et Geniorum Systema. C. 4. de *Electis*. Homines hic alii *Cainici*, qui spiritu nequam duplici afficiuntur, alii *Abelitici*, qui spiritu nequam simplici decipiuntur. C. 8. de *Somniis et an per ea diuinari possit*. Hic ἐκ τῆς τριπλῆς: Idem igitur est (ut uobis magnum referem mysterium) erigere figuram caeli recte et probe somnia interpretari. qui enim nouit quae in caelo requirantur ad erectionem figurae caelestis, is nouit quae in minori mundo (homine) requirantur ad interpretanda somnia &c. C. 12. de *Crimine laesae Maiestatis*. C. 13. de *Lumine Stellarum*. C. 21. de *Sede Animae Rationalis*. C. 33. de *Maris Estu et Reciprocatione*. C. 35. De *Sacramento seu Eucharistia*. Maxime prolixa contra Catholicos Disputatio. C. 37. De *Manu arefacta*. Quomodo naturaliter presente Reo post multos Annos stillet. Respondet Olistus: Grauis quaestio est et saepius ab imperatore Casare Ferdinando inter prandendum agitata et uentilata, ad quam nemo apte respondere poterat. Atque hic *Julium Alexandrinum Medicum*, *Steph. Amorphortium a Laureburgo* et *Magnum ab Eck* nominat, et addit: Ego uero breuiter ob duas causas id fieri aio, quarum altera est resolutionis, altera uero antipathiae &c. Atque ex his *Leetor de Libro* etiam II. conijciat; III. enim unice *Astronomicus* est, dispiciatque, an aliquid harum *Noctium*, ut *Gellii* ver-

bo utar, *Heidelbergensum* in lucem protrahi mereatur, cum hactenus, quod sciam, Eruditos latuerint.

DXXX.

Codex chartaceus ital. Sec. 9<sup>24</sup>  
XVI. Folior. 65. 4. *Traetatus* est contra realem Christi in Eucharistia praesentiam, et Missae Sacrificium *impurissimi*, ut *Theod. Bezae* uerbo utar, *Hypocritae Bernardini Ochini Senensis*, qui deserto FF. Min. Capucinorum ordine, ob disseminatos errores variis e regionibus exactus, per *Moraviam* iter habens una cum prolihus peste adflatus obiit *Slavocouiae* seu *Austerliti* a. 1564. aet. 77. Codex inscriptus est: *Per Bernardino Occhino*, primusque ejus Titulus: *Qual causa m<sup>o</sup> babbi mosso à scriuer della Cena del Signore*. Initium: *Benche fra tutte le verità, che 'l Cristiano è obligato à credere, quella della corporal' assentia di Christo dal Sacramento della cena sia tra tutte l'altre chiarissima &c.* Objacet mihi *Disputa di M. Bernardino Occhino da Siena intorno alla presenza del corpo di Giesu Christo nel Sacramento della Cena*. Non mai per l'adietro stampata. In *Basilea* M. D. LXI. 8. item ejus Versio inscripta: *Liber de Corporis Christi Praesentia in Coenae Sacramento &c.* pariter *Basileae*, sed absque anno 8. Indicata utraque a *Joh. Vogtio* in *Catal. Librar.* verum vix uisa a *Cph. Sandio*, ut e *Biblioth. Antitrinit.* p.

F f f 3

4.

4. facile desumas. At longe haec diversa est a nostro Tractatu, qui non in *Sermones XII.* aut potius Apologos dicas, sed in Articulos multos dividitur, quos inter de Missa triste faceti: *Come la Messa è beretica, è una gran' Maga, è una gran' Strega, è una grande Idolatra, è una gran' Meretrice &c.* Nemo porro ejus meminit, ne *Baylius* quidem, qui ceterum lancem, ut solet, faturam de *Ochino* admensus est.

## DXXXI:

689 Codex chartaceus lat. Sec. XVI. Folior. 56. 4. eleganter scriptus, utque e Theca adparet, quae deaurata et anno MDLII. insignita est, *Ferdinando I. Imp. oblatum Titulum praefert: Ad Sacratissimum Rom: Hung: et Bobemiae Regem Ferdinandum &c. De extremorum temporum nostrorum statu. De Antichristo, eiusdemque regno tyrannico et reuelatione, de fine Mundi et supremo iudicio. Liber.* Ita vero ingreditur: *Quod ueteres Romani in magnis reipub: periculis et rebus dubijs, Ferdinando rex optime, fecerunt, ut libros Sibyllinos, quorum quindecim interpretes delectos e ciuitate esse uoluerunt, consulerent, Id temporib: hisce nostris, in saeuissimo furentis Germania tumultu, imitandum nobis esse duxi, ut oracula ea adiremus, et si quid in eis uel consilij uel solatij, ad praesentem usum inuenire possemus,*

*diligenter inquireremus, et inuentum ad Maiestatem tuam perscriberemus.* Laudatis mox, prolixè Oraculis *Sibyllinis*, pollicitusque, se *Ferdinando* Antichristum de nomine indicaturum et ueluti digito demonstraturum, disquisitionem e *S. Literis*, Patribus, Scriptoribus profanis instituit, omnia praedictis Oraculis adcommo- dando, quorum versione metrica utitur, non *Seb. Castalionis*, sed quam ipsemet cudisse videtur. Atque primum in *Neronem*, eumque in *Mahomete* et *Turcis* redivivum commentatur, Historiam sensim ad *Caroli V.* et *Ferdinandi* deducens tempora, perstringensque passim alios Principes Christianos, quorum agendi ratio *Turcis* profuit, tum in *Paulum Jovium* acerbè inuehitur, quod *plurima in uno duntaxat Elogiorum importune publicato uolumine mendaciter et improbe uulgauerit, Otomanicam Antichristi familiam tantum non in coelum laudibus ferens.* Abusum illum esse gratia et privilegio *Caroli Caes.* Injuriam fecisse *Sigismundo Poloniae, Ludovico Hungariae Regibus &c.* Subdit: *Porro quod bonus iste Episcopus tam scurriliter turcizat, Galliae regibus iudicio meo ea in re ancillatur, ut fœditatem Turcici eorum fœderis impudentia et uanitate apertissima apud imperitos obuelet &c.* Deinceps ex hoc diverticulo ad *Antichristum* redux Numerum *Beftiae Apocalypticae 666.* ductis e vi literarum graecarum calculis in nomine Imperatoris *Turcarum*